

Torersaarnissamut maleruagassat najugaqatigiiffik 228 – Iserit A/S – Nuuk

Aallaqqaasiut

Saniliniq najugaqatinillu mianerinninnissaq pingaaruteqarpoq. Najugaqartut akunnerminni ajunngitsumik pisuseqarfigisarnerat najugaqarfimmi pitsaasumi toqqissisimanissamut annertuumik sunniuteqaqataasarpoq.

Attartortup inissiaq paarinerluppagu, aserorteriffigippagu imaluunniit attartortoq ineqarnermut kiassarermullu akilnngitsuukkaminik akiligassaqalerpat attartortitsisup attartorneq atorunnaarsissinnaavaa.

Eqqagassat

Inissiaqarfimmi eqqagassanut nakkartitsisarfeqarpat, igitassat nakkartitsisarfikkut iginneqannginnerminni pappiaqqamut poortorluarneqarsimassapput imaluunniit puussiamut ikineqarsimassallutik. Inissiaqarfimmi eqqagassanut nakkartitsisarfeqanngitsuni igitassat igitivissatut inissitaasimasunut iginneqartassapput. Igitassat majuartarfeqarfinnut imaluunniit eqqaaveqarfiit naqqinut iliinnarneqassanngillat.

Torsuusarsuaasat majuartarfiillu ataatsimoorussat

Attartortoq inissiap najugarisami silataani torsuusarsuaasap majuartarfiillu salliarnartaasa eqqiluisaartinneqarneranni peqataassaaq. Sikkilit, meeraaqqanik aneerussissutit, qamutit pequtillu allat majuartarfinni, majuartarfiit sangoriaanni torsuusarsuaasaniluunniit inissisimatinneqassanngillat.

Antennit

Antennenit sullissineq, attavinnit il.il najugaqartup akisussaaffigai §52 imm. 4 malillugu

Uffarfiit, kuutsitsiviit, perusersartarfiit, erngup qorlorfii il.il.

Annoraamerngit, qiviusat assigisaalluunniit perusersartarfinnut imeq atorlugu kuutsittakkanut iginneqartassanngillat. Erngup qorlorfii, perusersartarfiit imiisivii quisarfittaallu ussiippata, imaluunniit erngup aqputai allat ussiippata attartortitsisoq piaartumik nalunaarfigineqassaaq.

Mingutsitsineq

Ataatsimoorussamik atorineqartut, soorlu majuartarfeqarfiit, kaajaluisat imaluunniit pinnguartarfiit mingutsineqaaqusaanngillat. Illup iigai qisuttaaluunniit titartuiffigeqqusaanngillat, kigartorneqaaqusaanatik qalipanneqaaqusaanatilluunniit. Eqqiaanissaq pitsanngorsaannissarlupisariaqarpat attartortitsisoq tamatuminnga isumaginissinnaavoq, attartortup akisussaasup akiligassaanik.

Uumasuteqarneq

Attartortitsisoq allakkatigut akuersiseqqaarnagu qimmeqartoqaqqusaananilu qitsuuteqartoqaqqusaanngilaq. Uumasuteqarnissamut akuersissummik Kommuneqarfik Sermersooq – Nuuk qinnuteqarfigineqarsinnaavoq Pisuni ataasiakkaani uumasuteqarnissamut akuersissuteqartoqarnissaa Iserit A/S aalajangigassaraa. Nalinginnaasumillu qimmit iluaqutitut atugaasut, soorlu tappiitsut qimmiisa aamma politiit qimmiisa uumasuutigineqarnissaat tamatigut akuersissutigineqarsinnaavoq.

Nalinginnaasumik inissiaqarfimmi (inissiat quleriaani) akuersisoqarneq ajorpoq qimmiuteqarnissamut qitsuuteqarnissamullu. Illuni uiguleriaani tunngaviumik uumasuteqarnissamut akuersissuteqartoqarsinnaavoq.

Najugaqatigiiffik 228-mi uumasuteqarnissamut akuersisoqarsinnaavoq qularnaveeqqusiissutit akilereerneratigut inatsisit atuuttut naapertorlugit.

it.

Sannatit, nipilersorneq il.il.

Sakkut nipiliortut, soorlu qillerutit, eqqaamiut eqqarsaatigalugit taamaallaat nal. 8-p aamma nal. 19-ip akornanni atorneqaqqusaapput. Majuartarfinni, torsuusaasarsuarni imaluunniit naqqit iluini nipiliorluni pinnguartaqqaqusaanngilaq. Radiu, fjernsyni, båndoptageri, oqaluttartuq imaluunniit CD-mik nipilersuut eqqaamiunut akornutaasumik atorneqaqqusaanngillat. Nalliuttorsiornerit nipiliorfiusut eqqaamiut tamatuminnaga akuersiseqqaarsimatinnagit ingerlanneqaqqusaanngillat. Nipilersortartut sungiusartarneri imaluunniit nipilersornermik ilinniartitsisarnerit attartortitsisumut isumaqatigiissutigineqaqqaarsimassapput.

Tamalaanik toqqorsiviit – piliviit

Tamalaanik toqqorsivinni – pilivinni iniluunniit assigisaanni ikuallajasunik, soorlu benzinamik, petroleumik, terpeninimik lakkimillu uninngatitsisoqaqqusaanngilaq. Attartortup init taamaattut parnaarsimanissaat isumagisassaraa – atorneqanngikkaluarpataluunniit.

Kiassaait imermik imallit

Kiassaait imermik imallit ussiillisimappata imaluunniit kiassaateqarfimmiit aqqaataasa arlaat ussiitsoqalersimappat, attartortitsisoq tamanna pillugu piaartumik nalunaarfigineqassaaq.

Allagartalersuineq

Allagartalersuinerit, tassani matumi allagartalersuutit kisiisa pinnagit, attartortitsisumit allaganngorlugu akueri-neqarsimassapput.

Errorsineq

Attartortuq atuisutut allatuulli errorsisarfinnik atuisinnaatitaavoq. Errorsisarfinnik atuneq najoqqutassiat nivinngarneqarsimasut malillugit aammalu inuup nammineq akisussaaffigisaanik ingerlanneqartassaaq. Errorsisarfiup atortui ajoquteqarpata errorsisarfinnik nakkutilliusut attartortitsisorluunniit nalunaarfigineqassapput. Aneersuartarfinni error-tanik panersiinerit sanilinut akornutaassanngillat.

Inigisami allannortiterinerit

Attartortuq talulersueqqusaananilu talunik piiaaqqaanngilaq. Aamma attartortitsisoq allaganngorlugu akuersisuteqarsimatinnagu inissiami allanik allannortiterinissaq inerteqqaataavoq. Allannortiterinissaq akuerineqarsimappat attartortup allannortiterinermut aningaasartuutit tamaasa akilissavai. Allannortitikkat attartorneq atorunnaar-pat pissuserisimasamissut ilisinneqaqqinnissaat piumasarineqarsinnaavoq. Pissuserisimasamissut ilisinneqaqqin-nerat attartortup suliarissavaa imaluunniit taassuma akiligassaanic suliaritinneqassaaq. Attartortitsisoq akuersiseqqaarnagu allannortiterisoqarsimanera paasineqarpata, tamakku attartortup akiligassaanic ingerlaannaartumik pissuserisimasamissut ilisinneqaqqissinnaapput.

Torsaarnissamut maleruagassat maleruarneqassapput

Torsaarnissamut maleruagassat tamakku, imaluunniit attartornermut peqqussutip tamatumunnga aalajangersagartai naapertorlugit torsaarnissamut maleruagassat akuersissutigineqarsimasut attartortup maleruangippagit, tassa torsaarnissamut maleruagassat annertuumik unioqutinneqarsimappata, attartortitsisup attartorneq unitsis-sinnaavaa.

Eqqaamallugu, torsaarnissamut maleruagassat allanuinaq atuuttussiaanngillat!

Torsaarnissamut maleruagassat pillugit apeqqutissaqaruit uagutsinnut saaffiginnissinnaavutit, tassa Iserit A/S, Issortarfimmumut 1 B, Postbox 1539, 3900 Nuuk, oqarasuaat.: 36 30 00,

Fax: 36 30 19, e-mail: iserit@iserit.gl Qupersagaq: www,iserit.gl